

orbis per partes repletus : & tamen jugi miraculo , ut habet S. Paulinus, detrimenta non sensit. Hoc enim credidit Christiana antiquitas. Et incredibile quot perpetuo religionis . ergo huc tanquam ad locum sanctum etiamnum confluunt ; ea est hujus gentis in avita religione perseverantia, quam supina præfultum oscitantia, & ignorantia supra modum adauxit, cum non sint qui doceant.

Cassilia.

Baro de Cahir.

Clomell.

Comes Carick. Anno 9. Ed. 2.

Ormondia. Butleri Comites. Ormondia. Anno 2. E. 3.

Comes Tipperary.

*Cassilia* inde *Swirus* prætermeat Archiepiscopali dignitate ab Eugenio Tertio Pontifice Romano exornatam , cui plures quondam subfuerunt Episcopi. Desluit inde flu. insulas subinde spargens, & circumfluit *Cahir* castrum, quod habet è *Butlerorum* familia Baronem ab Elizabetha Regina evectum , sed ejus filius violatæ fidei labe se asperfit, & luit, castro ab Essexiæ Comite anno CIO D X C I X capto, & ipso in carcerem coniecto. Hinc per *Clomell* mercatum satis frequentem , munitione tutum, & *Carick Mac-Griffin* rupi affixam unde & nomen inditum, Comitum *Ormondia* habitationem prolans (quam cum honore Comitibus *Caricki* Edmundo *Boteler* sive *Butler* Rex Edwardus Secundus concessit) *Tipperarienses* relinquit, & inter *Waterfordiensem*, & *Kilkeniensem* Comitatum limitis vice fungitur.

Hæc in Australi hujus Comitatus parte, quæ vero, ad Boream macra & sterilior excelsis montium cacuminibus assurgit, & duodecim præ cæteris quasi quadam congerie *Phelem-ge-Modona* vocitant. Hæc Latine *Ormondia* dicitur, Hibernicis *Orwown*, id est, *Frons Momonia*, Anglis *Ormond*, & plurimis corruptissime *Wormewood*, cujus tota celebritas est è Comitibus quos plures nominat à Iacobo *Butler* cui & hæredibus Edwardus Tertius hunc honoris titulum ad vitam, & *Regalitem* aliasque libertates cum feodis Militum in Comitatu *Tipperariensi*, contulit, quibus illius posteris gratia Regum Angliæ adhuc gaudent, unde hic Comitatus Palatinus censetur, & ille à nonnullis Comes *Tipperaria* fuit appellatus.

Iacobi hujus majores jam olim honorarii erant Hiberniæ Pincernæ, & inde illis hoc cognomen *Le Boteler* sive *Butler* impositum, arctissimaque affinitate S. Thomam *Beckettum* Archiepiscopum Cantuariensem attigisse certum est, ex ejus utique sorore genus trahunt, & post ejus cædem, in Hiberniam à Rege Henrico Secundo fuisse translatam, qui existimavit se facti invidia deoneraturum, si Thomæ affines proventibus, & honoribus adaugeret.

Primus hujus familiæ *Ormondia* Comes Iaco-

bus filius Edmundi Comitibus *Caricki* duxit filiam Humfredi *Bobun* Comitibus Herefordiæ è filia Regis Edwardi I, unde primus ipsi ad hunc honorem gradus ; filius ejus Iacobus ex hoc matrimonio natus hinc Comitibus *Nobilis* agnomen apud populum reportavit. Iacobus Quintus ex his Comes (ne singulos persequar) accepit ab Henrico Sexto titulum & honorem Comitibus *Wiltonia* sibi & hæredibus de corpore, qui Hiberniæ Prorex, ut alii nonnulli ex hac stirpe, & Angliæ Thesaurarius, ab Edwardo Quarto proscriptus statim captus & obtruncatus, fratresque ejus proscripti latuerunt, Ioannes Hierosolymis obiit sine prole ; Thomas gratia Henrici VII, natalibus tandem erat restitutus qui obiit CIO D X V, duabus relictis filiabus Anna, quæ enupta Iacobo de S. *Leodegario* sive S. *Leger* & Margareta Guiliel. *Bollein*, cui hæc peperit Tho. *Bollein* quem Henr. VIII, primum Vicecomitem *Rochfort*, postea *Wiltonia* & *Ormondia* Comitem creavit, cum filiam ejus Annam *Bollein* duxisset, quæ Angliæ peperit Elizabetham Reginam grata memoria ab Anglis æternum prosequendam. Thoma *Bollein* demortuo, Petrus sive *Pierce Butler* vir magnæ in Hibernia potentia è Comitum stirpe, quem Henricus Octavus prius *Osseria* Comitem creaverat, *Ormondia* etiam titulum consequutus est, filioque Iacobo reliquit, cui è filia & hærede Iacobi Comitibus *Desmonia* natus Thomas Comes *Ormondia* jam superstes in multis rebus dubiis fide spectatissima, qui unicam filiam Theobaldo *Butler* fratris filio, quem Rex Iacobus Vicecomitem *Tullo* nuper creavit, matrimonio conjunxit.

Quod vero nonnulli Hibernici, & qui fide digni videri volunt, homines quosdam in hoc tractu quotannis in lupos converti affirmant, fabulosum sane existimo, nisi forte illa exuberantis atræ bilis malitia, *λυκαγροπία* medicis dicta, corripantur, quæ ejusmodi phantasmata ciet, ut sese in lupos transformatos imaginentur. Nec ego aliud de Lycaonibus illis in Livonia transmutatis, de quibus multi multa produnt, affirmare ausim.

Hactenus de Provincia *Momonia*, ad quam gubernandam Elizabetha Regina cum de bonis commodisque Hiberniæ prudentissime rationem iniret, Præsidentem qui esset vindex temeritatis, & moderator officii cum Adfessore, duobus Iurisconsultis, & Scriba constituit, primumque Præsidentem Warhamum S. *Leger* virum Equestri dignitate, & plurimo in rebus Hibernicis usu anno CIO D L X V præfecit.

Homines in lupos converti.

Lycanthropia morbus.

Præses Momonia.